

tur Idolis falso hōc significatu, cūm idola non sint verus DEUS, immo nihil sint. Hinc quando de reipsā sermo est, an scilicet Idola propriè sint DII, respondemus, nomen DEUS non convenire Idolis propriè, sed impropiè, vel ut Thomas part. I. quæst. 13. art. 10. loquitur, *analogicè*, quod falso DII existimentur.

§. 4. Sed missis iis, quæ per quandam analogiam licuntur DEI, de DEO verō & qui per naturam DEUS est, impræsentiarum aeturi sumus. Dari autem DEUM per naturam sive essentiam talem, qui scilicet sit Ens perfectissimum & omnium rerum causa sit, patet. Primò ex intuitu hujus universi, quod cum tam apto conveniente & admirabili ordine constructum sit, tam constanter & sapienter gubernetur, non solum nos ducit in notitiam primi cuiusdam & supremi Entis, à quō factum sit ut gubernetur, sed testatur etiam de infinitâ ejus potentia & divinitate. Mundus etiam hic universus tam affabre & pulcre conditus & in hunc usque diem admirando ordine conservatus, neque condi neque conservari potest, nisi à summô quodam conditore, quem DEUM appellamus. Ita argumentamur: Res, quas videmus, factæ & productæ sunt ab aliquâ causâ, nihil enim est causa sui ipsius, alias enim esset causa causa effectus & effectus causa causæ quod absurdum. Illa autem causa, à quâ in esse dependent, aut est prima aut secunda. Si prima, habemus quod volumus; illam enim vocamus DEUM, qui scilicet est causa rerum omnium. Si secunda, tum in ordine causarum eò usq; progrediendum donec pervenit ad primam causam. Si ad primam causam pervenit, quæ non est causata ab aliō, tunc illa prima causa est primum illud sumum & nobilissimum Ens, quod DEUS dicitur. Sicuti jam opifices plerumque noscuntur ex opificiis, Quis enim inspectâ tabulâ vel statuâ non statim intelli-